

POLELO YA PHATLALATŠO YA DITABA YA MABAPI LE BORADIA BJA DIPROFAELE

Tshwane, 29 Agosetose 2024 - Ba Ditirelo tša Motšhelo tša Afrika Borwa (SARS) ba lemoga ka matshwenyego ka ga sengwalwa sa Sunday Times (25 Agosetose 2024) sa mabapi le boradia bja diprofaele tša balefela motšhelo.

Ka fase ga mabaka ao a tlwaelegilego, SARS e iletšwa ke Kgaolo ya 6 ya Molao wa Taolo ya Motšhelo, Molao 28 wa 2011 go fana ka tshedimošo ya sephiri ya molefela motšhelo. Le ge go le bjalo, ka ge molefela motšhelo a dumeletše gore tshedimošo ya gagwe e phatlalatšwe sengwalweng, SARS e tla fa hlathollo mabapi le se.

SARS e dirile dinyakišišo tša go tsenelela mabapi le tatofatšo ya bosenyi ka morero wa go utulla ditshepetšo tša ka gare tšeo di sego molaong goba tatofatšo ya kamaro ya mošomedi wa SARS yo a ka bego a dirišitše mekgwatšhomo ya setheo bošaedi. .

SARS mengwageng ya go feta e agile mekgwatšhomo ya go lemogwa ditšhabatšhabeng gape ya go šoma gabonolo go dira gore go be bonolo go balefela motšhelo go obamela boitlamo bja bona bja semolao. Mekgwatšhomo ye e akaretša kagogare tlhokomologo ya transekšene enngwe le enngwe go boloka tshedimošo ya molefela motšhelo le go tiišetša maikarabelo a ka gare.

Khomišinare wa SARS Edward Kieswetter o boletše gore “SARS e nyakišišitše molato wo gomme re hweditše gore ga go na bošaedi bja tlhokomologo goba molato wo o ka latofatšwago go SARS, go ra gore SARS e ka se latofatšwe ka bosenyi bo bo begilwego ke Sunday Times.

“SARSe tla thuša khamphani le etšensi ka moka tša tiišetšo ya molao ka dinyakišišo dife goba dife tšeo di swanetšego go latela go utulla mothopo wa bosenyi bjo bja motšhelo,” gwa bolela Khomišinara Kieswetter. O tlaleleditše ka gore bosenyi bja go utswa profaele bo lebišitše go bomenetša inthaneteng ka dikgokaganyo tša lefase. Bohwirihwiri bja mohuta wo wa bomenetša bja inthanete bo tloga bo gola kudu gomme SARS, bjale ka ditheo tše dingwe ka moka tša ditšhelete di ka fase ga matšhošetši ka lebaka la digongwana tša ditšhabatšhaba tša bomenetša bja inthanete. SARS e beeleditše kudu go dikago tša yona tša theknolotši go lwantšha tlwaelo ye.

SARS e tšwelapele go šomana le ka fao e ka mpshafatšago ditshepetšo tša yona tša go laolela balefela motšhelo ge dintlha tša bona tša pankka difetogile. Tše dingwe tša di mpshafatšo tšeo di phethagaditšwego di akaretša *Multi-factor Authentication*, go maatlafatša tiišetšo ya melao ya *password* le tiišetšo ya bayometriki. Ntle le se, SARS kgafetša kgafetša e dula e lekola mekgwatšhomo ya yona go šupetša bofokodi bja mekgwatšhomo go kgonthiša gore re thibela mokgwa ofe goba ofe wa go baka kotsi. Se se tla ra gore go tla šongwa ka maatla le mekgatlo e mengwe e bjalo ka dipanka.

Go feleletša, Khomišinare Kieswetter o boletše gore: “Enngwe ya leano la ditebo tša rena ke go aga tshepho ya setšhaba le kholofelo go setheo, tšeo di lahlegetšwego ka mengwaga ya go thopšwa ga mmušo. SARS e dirile kgatelopele e kgolo morerong wo gomme e tloga e sa nyake go lahlegelwa ke maatlafalo ao e a hweditšego ka lebaka la ditiragalo tša bosenyi, e ka ba mohlomongwe di diragla ka gare goba ka ntle ga setheo.

Dinyakišišo di dirwa ke Ofisi ya Monamodi wa Motšhelo (OTO) go nyakišiša ditiragalo tša go utswa profaele di amogetšwe ke SARS. SARS e šomišana le OTO gomme e tloga e letetše ditshwayotshwayo tšeo di to dirwago ka ga mabapi le go lwantšhana bokaone bosenyi bjo bja go phuthuma diprofaele.

Go hwetša tshedimošo enngwe, ikgakaganye le SarsMedia@sars.gov.za